

光緒九年秋日葉

西
歸
不
新
生
也

本衙藏板

沔縣志序

郡邑之有志也將以徵文考獻存古勵今爲守土者治
地方之本而於鄉賢節烈動邑人士廉頑立懦之心所
繫綦重不可闕也余自蒞任陝安先求郡志閱之則自
嚴樂園先生續修之後已餘六十年中經大亂事蹟人
物之應紀者宜不少且志板已燬於兵火亟思設局而
輯纂焉惟以十一邑之廣數十年之久非多延士夫采
訪勢不能徧而經費難籌將待民力稍紓而爲之適聞
前沔令孫君屬邑人彭廣文齡輯沔志力加愆愆迨羅
令蒞任而稿成示余擷之門分類別釐爲八卷自維志
乘之學實甚疎淺而所閱者殊不少其著名如武功各
志或經三復矣今閱沔志知其自康熙四十九年錢青
山大令以五晝夜之力手成舊志一卷之後始近二百
年今乃復有此八卷懿歟難矣惟其中有與他志不類
者爰倩胡定峯拔萃爲之校閱訂正不免有移易增汰
之處久之釐成四卷期足以志沔而使邑人士讀之得
畧知古今文獻欣欣然有所嚮往並以獎勸節烈豈不
美哉因序之俾早梓行或足爲他邑修志之先聲也與

光緒九年六月權陝西按察使陝安觀察使者張端卿撰

河縣志目錄

卷一

天文志 經緯 星野

地理志 輿圖 山水 幅員 形勝 道路 關隘

堡寨 水利 物產 古蹟 邱墓 風俗

卷二

建置志 沿革 城池 公署 驛傳 舖舍 祠祀

義地

賦役志 地丁 俸工 倉儲 稅課

河縣志

卷一目錄

學校志 學校 學額 書院 義學

武備志 營制

官師志 知縣 教諭 訓導 主簿 典史 驛丞

千戶 百戶 都司 千總 把總

卷三

科第 選舉 鄉賢 孝義 列女

卷四

藝文志 文 詩 雜記

重輯沔縣志銜名

鑒訂

欽加三品銜 賞戴花翎補用道署分巡陝安兵備道勞文翽
欽加二品銜分巡陝安兵備道翰林院編修張端卿
欽加三品銜特授漢中府知府護理陝安兵備道奇 臣

編輯

沔縣 知縣

孫銘鐘

署沔縣知縣

傅錫

署沔縣知縣

羅桂銘

沔縣志

卷一

二

特授沔縣知縣

施劬

纂述

廩貢生靖邊縣訓導

彭齡

校閱

已酉科拔貢生

胡丙煊

沔縣志卷一

天文

經緯

經度在京師偏西十度零三分

節氣早晚日食先後以經度爲差

緯度北極出地三十三度一分十二秒

縣境西南北三面皆山惟東面豁然平曠故朦影不齊茲以治城爲主凡村墟之遠近按里通之南行四里六分里之一則減一分北行四里六分里之一則

沔縣志

卷一

加一分也

星野

明邑侯萬言策志曰沔爲禹貢梁雍二州之交天文井鬼分野晉天文志東井輿鬼鶉首之次其辰在未自井九度至柳三度屬秦分觀星者可以察之矣錢青山邑侯續修則曰沔屬漢漢屬秦秦爲禹貢雍州之域星分井鬼史記天官志曰東井輿鬼雍州之分漢書地理志曰自井十度至柳三度鶉首之次乃秦之分此舊志所以有驗星井鬼之說也第唐歐陽詹以沔爲秦之坤蜀


之良蓋地界雍梁固不宜專屬之秦分考觜參爲益州之星則參井之交其沔之分野乎錢公之言如是夫次舍在天固有一定豈因地界之分合爲轉移哉且卽以分野言之漢中於禹貢爲梁州之域上直參宿九度沔在漢中之西僅百餘里並參之十度不及烏得以今時隸陝西行省遂舉雍州之井鬼以當之乎況古法先觜後參今法先參後觜以觜今無度故轉以參度屬觜卽所謂參宿九度者已易其名何如地平緯度有朦影足憑偏西經度以京師爲據也故略舉經緯而附論如此


沔縣志

卷一

地理旃十五里

二





河縣志



卷

后三

山

沔在羣山之中山可名者不少而見於省志郡志舊縣志者二十餘耳大抵近縣治及官道者也列之於前誤者正之出界者去之其未及者則按經絡補於後其道里則不及詳矣

玉簪山在縣西南一里陟巔下望井邑廬舍畢見殊足供登覽也案此卽老虎溝東之第一峯

魚山在縣西南五里下臨沔流形如魚之遊泳焉高家

泉在其麓案此卽老虎溝西第一峯老虎溝又名貓

沔縣志

卷一

三

兒溝爲古魚孔隘

旗竿山在縣東南五里俗呼插旗山相傳黃漢升曾插旗於此孤峯突立高出雲表案此卽左所西南之山定軍山在縣東南十里上則兩峯屹然而對峙下則河流滂然而環繞中容萬軍漢建安二十二年黃忠斬魏夏侯淵於此先主遂取漢中而王之陳兵沔陽受璽綬宋紹興三年金人陷洋州逼興元劉子羽邀吳玠同守定軍山卽此山也山下則武侯墓在焉相傳八陣圖亦在山北麓圖聚細石爲之各六十四聚又

有二十四聚分列兩層每陰雨輒聞鼓聲山南有岡名仰天窪亦足以駐萬軍而非登高視之則不見綱目質實山有諸葛巖讀史方輿紀要山下有武侯督軍壇隴蜀餘聞顧璘云武侯兵書匣在定軍山上壁立萬仞非人跡可到余兩經其地初視匣其色淡紅後則鮮明若更新者殆不可曉諸書所登古蹟最不可據者莫如兵書匣顧氏乃親見之哉考武侯祠墓志其上尚有遮箭牌斬將橋琉璃井遺址銅蒺藜則時復出土人多藏之

沔縣志

卷一

四

卧龍山在縣北一里有蓮花池傳爲卧龍所栽歲放數花間開並蒂瑞應科名旁有孔明讀書臺其下西泉在焉舊建卧龍亭及祠宇三楹今廢

雷公山在縣北二十里上有元岳觀時聞雷聲殷殷出其間也案古名清涼山因泉得名耳泉在山腰明季遭流寇之亂縣人保焉相傳賊來攻之雷電逼退因改今名武侯祠志謂山高三千餘仞爲羣山之祖信然六月初旬邑士女爭赴拜兼避炎暑至十九日止輒有滂沱大雨自昔謂之洗山雨

斷頭崖卽古龜山在縣北五里方家壩之東自灑口望之孤出連峯有如蹲龜

鐵山在縣北五里山勢極稱險峻麓開平地宋興隆間姚仲置寨其內以拒金人讀史方輿紀要劉子羽曰川口有鐵山棧道之險謂此也案前漢地理志沔陽有鐵官後漢郡國志沔陽有鐵其鐵山之所由名與今方家壩西山上相傳有瓦子坪爲明鐵義寺基址俗呼抗家山當卽古之鐵山

天盪山在縣東北十六里與定軍山南北相對相傳爲沔縣志

卷一

五

魏武駐兵時屯糧之地夏侯淵曾扎營於此山腹有米倉山圓若覆盂其上舊有淮陰侯廟蓋因暗渡陳倉由此也趙雲別傳夏侯淵敗曹公爭漢中地運米北山下數千萬囊黃忠以爲可取雲兵隨忠取米忠過期不還雲將數十騎輕行出圍迎視忠等值曹公揚兵大出雲爲公前鋒所擊方戰其大衆至勢偪遂前突其陣且鬪且卻公兵散已復合雲陷敵還趣圍將張著被劄雲復馳馬還營迎著公軍追至圍此時沔陽長張翼在雲圍內翼欲閉門拒守而雲入營更

大開門偃旗息鼓公軍疑有伏兵引去雲播鼓震天
惟以戎弩於後射公軍公軍驚駭自相蹂踐墮漢水
死者甚多先主明旦自來至雲圍視昨戰處曰子龍
一身都是膽也作樂飲宴至暝軍中號雲爲虎威將
軍案此卽邊西寨北之山

武興山在縣東北二十里東臨舊州河西接百丈坡元
褒州城在此讀史方輿紀要蜀漢置武興督蓋以山
名也

五泉山卽古蓬山在縣東北五十里以山陰有泉五眼
沔縣志

卷一

六

其水屈曲出柳溝入黃沙河黃龍岡正其餘氣也

雞公山在縣東北八十里山形峻拔有雄雞竦立將領
羣雛之勢案此在舊州舖河黃沙河之間

灌子山在縣東南四十里山神廟競稱靈應下有源泉
灌溉民田故名案此卽水經注之女即山山在今小
中壩山不甚高而林木蔚然郡國志云梁州女郎山
張魯女浣衣於上女便懷孕生二龍及女死將殯柩
車忽騰躍升此山遂葬焉其水旁浣衣石猶存

走馬嶺卽古白馬山在縣西一里一名烽燧山漢時舉

烽於上故名水經注謂之白馬寨張魯治讀史方輿紀要白馬城以旁有白馬山山石如馬望之逼真也灰堆山卽古金堆山在縣西七十里案此卽銅錢壩北之山山北卽茶店子

大鐘山小鐘山卽古大小丙山在縣西北八十里自蔡壩迤北兩山相連

瑯珂山卽古潭毒山在縣西北八十五里宋紹興三年金撒離喝人興元劉子羽調吳玠兵守仙人關而自保潭毒築壘山上以是山峻拔寬平且有水也壘方

河縣志

卷一

七

成金兵猝至距營十數里子羽坐胡牀不動諸將泣告曰此非待制坐處子羽曰子羽今日死於此敵尋以饋餉不至引衆去子羽出師掩擊其後大敗之盡掠輜重而歸雍大記在舊大安軍之三泉今河縣地案此卽板廟子北之山也

卓筆山在縣南二十五里峰巒削起狀如卓筆下出聖水亢旱不涸宋元時禱雨多應勅封靈濟龍王相傳遺碑猶存在今土關鋪龍王溝中山下居民姓宋土人云此龍曾聚宋氏之女爲夫人言之娓娓附之以

廣異聞

龍門山在縣南六十里石穴高數十丈其狀如門案卽今阜川金家溝之龍洞也出太湖石剔透瓏玲

水

沔境之水以漢爲大爲衆水之歸亦爲衆水之綱其入境在縣西四十里而再西六十里則源頭在焉卽禹貢所謂嶧冢導漾東流爲漢也按嶧冢山在今甯羗州烈金壩之西北山海經謂漢出鮒嶠山殆嶧冢之別名緣溪入約四五里抵山麓有石洞高厰如屋寬

沔縣志

卷一

八

可四五丈洞口一石宛似牛牛身苔蘚斑駁中見蚪蚪字痕傳爲神禹鎮海眼所作牛旁有隙莫測淺深俯聽之若萬頃波濤洶涌於下由洞下行陂陀約四五十丈亂石中有穴如半月寬二尺許水源從地底噴薄上出聲若殷雷天將雨聲愈大石罅之水倒濺橫迸如晶珠其名漾殆以是與導而南流至烈金壩之西五丁峽卽金牛峽水西流過響水溝卽水經注之獻水口而右來會之又東至大安驛古三泉縣治地之東過南流之大安河又東過北流之鍊籠溝又東至金堆鋪過

南流之冷水溝入沔界

又東至青羊驛在水北過南流之鴻崖溝

源出

又東至蔡壩在水北之西過南流之蔡壩河

源出大鐘山即大丙山故勝志有丙水之名下為高

洞溝崖寺溝二溝合為蔡壩河

又東至沔陽山在水南過東北流之白崖河

源出甯羗白崖洞別有玉帶河俗名南河源出甯羗箭

竹嶺過沔水河至州城從南山北畔轉城西而北而

沔縣志

卷一

九

東復與南接若圍帶然下至兩河口與白崖河會遂

統名白崖河矣

又東至沮水鋪在水北即沮口會於沮即沔水也

在縣西三十里通志云沮水出縣北八十里母豬山

南流經縣北又南入漢沮口一名鳧口嚴志云源出

鳳縣俗名黑河一名北河經老林中數百里合諸山

之水共流可通小舟南流合於漢即沔水也今按出

鳳縣名黑河之水發源於流西二溝在留壩紫柏山

之西南與陳倉溝中隔分水嶺俗名箭鋒壩壩南之

水經張口石俗名札鐵爐川過頭溝二溝三溝至毛

壩之兩河口過八廟河一名斜至張家河之下過冷

峪河經崇壩觀音寺至黑河壩以上統名黑河即水

而大黃院之水會之其出畧陽棧壩林者通志之母

豬山在焉乃沮之經流水經所謂沔水出武都沮縣

東狼谷中而注所謂沔水一名沮水注又引關駟曰

然故曰沮水也即今之大黃院河也其水上承娘娘

壩蕭家壩韓家岩張家壩諸河而來至大黃院黑河

壩以下統名沮水上至將軍石過左來之小壩河至

沔縣志

卷一

茶店子過右來之尖叉鋪水下至沮水鋪而南流入

漢矣○又按水經曰沔水又東南經沮水戍而東南

流注漢曰沮口注曰所謂沔漢者也又引如涪曰北

方人謂漢水為沔水故孔安國曰漾水東流為沔蓋

與沔合也至漢中為漢水是互相通稱矣然則漢沮

既合之後其在沔境者皆可稱為沔水也

又東過北流之龍王溝水在水

在縣南二十里源出卓筆山一名聖水一名清泉水

此去二里許經土關鋪古百之南漢水受諸水之

勢爲之一束

又東過北流之桑園溝水在水南

在縣西南十五里源出金華山之南溝一名三元溝此下漢流峽中兩壁山相對不斷俗有十八羅漢山之名寰宇記所謂百牢谷也

又東至縣城西南過南流之白馬河在水北

在城西三十步出樓門溝溝在縣西北一里一名龍門溝東爲卧龍山西爲烽燧山其中如門故名寰宇記澧水源出西縣北四十五里獨石谷南流經縣西

沔縣志

卷一

二百步注漢水卽此今按源出黑山之亮堖子南流過朱家河有石缸焉水懸流入缸中深不可測溢出爲石龍潭又南過戴家溝水又南過咸河西溝水又南經蓮花灣至榆林子有東流之王家河會隘堖口俗名艾葉口分水嶺之水過一碗泉而入焉嚴志源自龍門溝南流合山溪水至城西注漢當夏秋漲發其流甚猛城當二水衝時有冲潰之虞云

至縣治之南又東過頭溝二溝三溝四溝馬廐溝大溝

拐溝李家溝黃家溝俱在水北